

A- Čoahkkinbeavdegirji

RiddoDuottarMuseat

TEAMS čoahkkin 25.03.21 diibmu 09:00-13:00

Oasseváldit:

Johan Vasara	Stivrajodiheddji
Hilde Skanke	Nubbijodiheddji
Ann Britt Eira Sara	Stivralahttu
Sten Magnar Nikodemussen	Stivralahttu
Marianne Balto	Stivralahttu,
Olaug Larsson	Stivralahttu
Svein Atle Somby	Stivralahttu
Ellen Bals	Bargiidovddasteaddji/stivralahttu.
Anne May Olli	Čáli. Guđii čoahkkima áššis 9/21.
Ingvald Laiti	Rehketdoalli, oasálastti áššiin 3/21 ja 5/21

Ášši:

1-2021 čoahkkingohččuma ja áššelisttu dohkkeheapmi

Čoahkkingohččun ja áššelisttu dohkkehuvvui ovttajienalaččat daiguin rievdadusaiguin: Ovdal ášši 4 giedahallat ášši 5, ođđa áššin ášši 7 Dáiddamusea/SVD huksenášši, earát sirdašuvvet.

Marianne Balto evttohii geavahišgoahtit eará digitála reaidduid stivračoahkkimiidda, hálddahuš áigu iskat dán.

2-2021 Protokolla vuolláičáliid váljen.

Olaug Larsson ja Marianne Balto vállejuvuiga vuolláičállit otná protokolla. Ovttajienalaččat.

1. DIEHTOJUOHKINÁŠŠIT

3-2021 Diehtujuohkimat

2021 rehketdoallu dássáži

Dieđut juolludanreivve birra ja RDM sisaboadut dássáži.

Eará diehtujuohkin:

- Ovdáneapmi ovddit stivračoahkkima rájes
- 2020-21 juolluduvvon proševttat
- Árbediehtu raporta addo Sámediggeráđđái 6.4.
- Johan Vasara ja Hilde Skanke muitaleigga ahte soai leaba geassádan Davvi-Norgga dáiddamusea várrelahtun.

Mearrádus: Vuhtiiváldon.

2. Čuovvolanáššit

Eai leat áššit

3. Mearrádusáššit

Ášši 5-2021

2020 jahkerekhetdoallu

1) Áššebáhpirat:

- 2020 almmolaš rehketoallu
- Averdi kommeanttat rehketoallui
- 5 manjemus jagi almmolaš rehketoallut

2) Áššečilgehus:

2020 rehketoallus lea 92 ruvno badjelbáza. Doaimbaboáđus lea 15 713 ruvno vuolláibáza. Finánsasisaboáđut ledje 15 805 ruvno.

Njukčamánu 10. beaivvi 2021:s oaččuimet Sámedikkis juolludanreivve mas oažžut 260 000 ruvno buhtadusa sisaboáđu ovddas man leat manahan. Dán ferte čállit sisabohtun 2020 rehketoallui ja loahpalaš doaimbaboáđus lea dan dihte 244 287 ruvno badjelbáza. Jahkeboáđus oktan finánsasisaboáđuin lea 260 093 ruvno.

Pandemiijagis 2020:s vásihedje RDM museat ahte servvodagat ledje giddejuvnon ja nu unnui gussiidlohku. 2019 ektui de unnui vuovdinsisabohtu 259 132 ruvnuin. Dás leat manahuvvon bileahttasaboáđut 245 981 ruvno. Dat mii vel lea erohus lea 13 151 ruvno ja dan sáhtta čilget 2020 unnit kommišuvnavuovdimiin ja maid 2019 refušuvnnaid čállimiin.

2020:s lei RDM bileahttasabohtu 162 129 ruvno, go fas 2019:s lei dát 408 110 ruvno. Bileahttasabohtu lea njiedjan 60,3 proseanttain. Eará sisaboáđut dego rámbuvravuovdin lei 2020:s 292 533 ruvno, 2019:s lei dát 254 349 ruvno. Dát lea 15 % lassáneapmi. Girjevuovdin lea lassánan 12,2 % go fas eará gálvvuid vuovdin njejai 20,4 %. Eará erohusat leat dat go 2020:s leat álgán mávssihit hálddahušlaš goluid ovddas go luoikkahit dáidagiid.

RDM bargit leat 2020:s ollu bargan prošeavttaiguin. Dát addá rehketoallui eambbo sisaboáđuid ovddit jagiid ektui. Dát buktá dattege maid lasi prošeaktagoluid ja iežasosiid.

RDM iežaskapitála lea oktiibuot 2 570 116 ruvno. Dát lea buorre, erenoamáziid dan dihte go RDM:s lea eahpesihkkaris doaimbadoarjja sihke fylkkas ja suohkaniin. Mii leat ollu jagiid beassan gullat ahte bušehtaid áigot unnidit ja nu maid min doaimbadoarjagiid. Dán eahpesihkkarvuodá čuovvumuš lea ahte iežaskapitála lea áibbas dárbbášlaš, dan dihte go jus doarjagat duodai unnat de dát dagahivččii RDM doibmii ollu rievdadusaid. Jus suohkaniid doarjagat unnat de dát dagahivččii dan dihto suohkana báikkálaš musea ovdii. Dat lea dan dihte go suohkaniid doarjagat mannet njuolga báikkálaš museaid iežaset bušehtaide.

RDM:s lea 5,1 % jávkan (buozalmasvuodajávkan). Dát leat sihke guhkesáiggi ja oanehisáiggi jávkamat. Bargit eai sáhte bohtit bargui jus lea dávdamearkkat, nu lea dilli dál Covid-19 áiggi. Bargit leat leamašan hui geabbilat ja leat bargan ruovttokantuvrrain dalle go lea leamašan vejolaš dan dahkat. Bargit leat maid ovttas RDM jođihemiin heivehan nu ahte leat

sáhttán bargat eará bargguid dál go Covid-19 lea buktán giddema ja ráddjehusaid. RDM rehketdoallu čájeha ahte bargit leat buvttadan hui ollu, vaikko vel lea ge leamašan pandemiijahki.

- 3) Mearrádusárvalus:
2020 jahkerekhetdoallu dohkkehuvvo.
- 4) Mearrádus:
2020 jahkerekhetdoallu dohkkehuvvo. Badjelbáza lea 260 092 ruvnno ja iežaskapitála lea 1 645 159 ruvnno.

Ášši 4-2021

Jahkedieđáhus 2020

- 1) Áššebáhpárat:
-Jahkedieđáhus 2020
- 2) Áššemeannudeapmi:
2020 leai erenoamáš jahki, muhto lei maid jahki go ollu dáhpáhuvai. Pandemiija-jahki lea čuohcán buohkaide. Servodat lei giddejuvvon, doaimmat ráddjejuvvon ja ráddjehusat museagallededjiide ja bargiide. Liikká RDM čađahii ollu doaimmaid, váldodeaddu lei láchit buori dili beaivválaš doaimmaide ja sihkarastit oadjebasvuoda bargiide.
- 3) Mearrádusevttohus:
Jahkedieđáhus 2020 dohkkehuvvo
- 4) Mearrádus: Jahkedieđáhus 2020 dohkkehuvvo


Ášši 6-2021

Bušeahhtacealkámuš 2022

- 1) Dokumeanttat:
- 2) Áššečielggadeapmi:
RiddoDuottarMusea viđa jagi strategiiaplána loahppa lahkona. Dán áigodaga lea RDM bargan strategalaččat nannet daid surggiid maid lea dárbbášlaš nannet vai oažžut stádis vuodu hukset RDM doaimma viidásat. RDM museain leat leamaš buorit bohtosat mángga suorggis, mat ovdamearkka dihte nannejit min fágalaččat.
Dađibahábut leat RDM:s hástalusat maid ruhtadeaddji eiseválddit, ja maiddái earát, eai vealtameahttumit oainne ja dan láchkai hehttejit RDM oažžumis daid bohtosiid maid sáhttit. Unnán resurssaiguin leat RDM museat dakkár dilis ahte eat sáhte sihke registreret primusa digitaliseret čoakkáldagaid seammás go museat leat rabas, ja lágidit ja servet iešguđetlágan lágidemiide báikkálaččat, regionálalaččat, nátionálalaččat ja riikkaidgaskasaččat. Okta olmmoš ii sáhte leat mángga sajis oktanaga, vaikke man sakka mii goitge geahččalat dan nagodit. Bušeahhtacealkámušas 2021 ovddas mii sáddejuvvui 2020:s leat mii čalmmustahtán mángga dain fágalaš hástalusain ja vuoruhemiin mat RDM:s leat.

Hástalusat

Bušeahhtacealkámušaid ja gulahallančoahkkimiid oktavuođas mat RDM:s leat ovdal Sámedikkiin, gielddaiguin ja fylkkagielddain lea RDM geahččalan čalmmustahttit min dárbbuid. RDM ossodagat leat vihtta individuála musea main lea hui iešguđetlágan vuodđu nu mo ovddasvástádussuorggit, čoakkáldatsturodagat, rusttegat, oinnolašvuohta ja dárbu.



Jáhkovuona mearrasámi musea lea ođđa Hámmárfeastta suohkanis, ja galgá áimmahuššat dan guovllu mearrasámi giela ja kultuvrra. Porsáנגgu musea galgá áimmahuššat golbma giela ja kultuvrra iežaset guovllus – mearrasámegiela, kvenagiela ja dároggiela. Kárášjogas lea vuosttaš ja stuoramus sámi musea, Sámi Vuorká-dávvirat, ja stuorra dáiddačoakkáldat man RDM hálddaša. Guovdageainnu gillišillju lea nana boazosámi guovllus ja lea gielddas mas lea nana sámi identitehta. RDM doaibmaguovllus lea sihke riddu ja duottar – riddokultuvra mii lea guovlluin mat leat garraseabbo dáruiduvvon ja nannosat boazosámi kultuvra siseatnamis.

Leat hui iešguđetlágan dárbbut ja eavttut báikkálašmuseaid doaibmaguovlluin. RDM:s ii leat sierra museavisti Jáhkovuonas, dušše dálle mii maid lea oassin Jáhkovuona mearrasámi musea čoakkáldagas. Dat mearkkaša ahte doppe váilot lanjat gos čájáhusat ja eará doaimmat sáhttet lágiduvvot. Dasa lassin lea hui dárbu nannet sámegiela ja mearrasámi kultuvrra dán guovllus. Porsáנגgus leat leamaš mángga iešguđetge lokalitehtat ja manjimuš jagiid leat dat eanaš čohkkejuvvon Levdnjii. Dáinna lágiin nannejuvvo fágalaš doaibma, go ii dárbbas geavahit resurssaid mángga lokalitehtii ja fievrredeapmái dáid gaskkas. Mii leat ain bargamin dan ovdii ahte čohkket 100% ovtta sadjái, ja ahte mis galget leat heivvolaš lanjat magasineremii ja kulturhistorjjálaš čájáhusii ovtta dálle. Porsáנגgus lea maiddá dárbu nannet mearrasámevuoda ja kvenavuoda sin guovllus. Kárášjogas lea Norgga vuosttaš ja boarráseamos sámi kulturvisti, SVD. Vuhtto ahte visti lea leamaš almmolaš anus 49 jagi, ja das lea 50 jagi ávvudeapmi čakčat 2022:s. SVD:s lea maiddá čoakkáldat mas leat gáhttenárvosaš visttit museaguovllus. Dáiddačoakkáldagas lea magasiidna Kárášjogas, ja lea ain dárbu sierra dáiddamuseii go čoakkáldat stuorru ahte stuorru. 2020:s oaččui oastinlávdegoddi 3 miljovna eanet Kulturdepartemeanttas oastit dáidagiid, dat hástala magasiidnakapasitehta vel eanet. Guovdageainnus lea maiddá musea boarrásat visti man lea dárbu ođasmahttit, ja doppe lea maiddá magasiidnakapasitehta fargga dievvan. Gilišiljus lea maiddá stuorra čoakkáldat mas leat gáhttenárvosaš visttit museaguovllus. Vaikke vel sámegiella ja sámi kultuvra lea mealgat nannosat siseatnamis, lea doppe maiddá dárbu nannet sihke sámegiela ja kultuvrra. Dál dáhpáhuvvá globaliseren ja maiddá homogeniseren mii lahkona Sámi.

Nuppiin sániin, RDM:s leat vihtta (5) robi doalahit čavddisin. Sámi museat Norgga bealde hálddašit sullii 20 000 kulturhistorjjálaš dávvara, dain lea vuollel 50 % vuorkkás RDM museain. Dáiddačoakkáldagas leat sullii 1700 dáidaga. Dasa lassin oažžu RDM 734 dávvara Bååstede bokte, dat leat maiddá pesticid-infiserejuvvon. Dát čoakkáldagat gáibidit olmmošlaš ja ekonomalaš resurssaid vai sáhttit daid seailluhit boahhteáigái ja dahkat čoakkáldagaid olámuttuin olbmuid čájáhusaid ja mitalusaid bokte. Dasa lassin lea dárbbaslaš ahte dávvirat čoakkáldagain eai váldojuvvo eret sin konteavsttas, lea dehálaš duodaštit mo dát leat

ráhkaduvvon, geavahuvvon ja áimmahuššojuvvon. Lea ollu árbedieđa daid ávdnasiid čohkkemis, ráhkadeamis ja geavaheamis.

Oss.	Čoakkáldatsturodat Dávvirat/govva/Dias/Neg	Čoakkáldagat bádden/filbma	Suodjalanárvosaš visttit ja rusttegat	Báástede eaiggátvuohta	Eará
SVD	5500/13000	li registrerejuvvon primusii	12, (+1 vuorká)	127	Bivdoroggi rusttet
Dáidda	1700				
KSM	853/520/0/4	25/4	4 (mas lea olgovisti, návstu)	20	12 fatnasa
GG	2700/4349/585/1500	60/1	16 (mas lea internáhta, girku ja goahti)	551	Struve 2 pkt
PM	1465/4881	300/98		36	
ADM					Arkiiva
SUBMI	12218/22750/585/1504	385/103	33	734	

Tabella 1: Čoakkáldagat juohke museas, objeavttat mat eai leat registrerejuvvon leat mat mielde

Dárbbášuvvojit ollu resurssat hálldašit, gaskkustit, dutkat ja ođasmahttit stuorra čoakkáldagaid, ja RDM museain leat unnán resurssat. RDM bargit leat ferten veahkehit buot surggiin, erenoamážit doppe gos leat dušše 1 – 2 bargi juohke museas. Go nanne sámi museaid ekonomija, de seammás nanne báikkálaš museaid hálldašeami, gaskkusteami, dutkama ja ođasmahttima. Lea váttis duhtadit olgguldas vuordámušaid sámi museaide, go lea dilálašvuođas mas ferte árvoštallat juogo dahkat vai ii, iige nagot dahkat sihke ja. Čoakkáldathálldašeapmi lea hui dehálaš bargosuorgi museaide, muhto dađibahábut ii leat seamma álki olggobealde oaidnit dárbbu geavahit resurssaid čoakkáldathálldašeapmái nu mo ovdamearkka dihte buollineastadeapmái ovdal massit kulturárbbi.¹

Ekonomalaš ovdáneapmi

Čalmmustahttin dihte RDM museaid duohta dili leat mii juohkkán sámedikki juolludemiid museaid mielde. Go RDM:s leat vihtta (5) robi mat galget leat čavdat, guhkes gaskkat juohke robi gaskkas, de mearkkaša ahte RDM museat eai dine ekonomalaččat nu mo ásašusat/organisašuvnnat mat leat ovtta robi vuolde (dahje vejolaččat konsoliderejuvvon alddiineaset) sáhttet. Sámi museaid ekonomalaš dilli lea čalmmustahttojuvvon mángga gulaskuddama, artihkkala ja ášši bokte NRK Sámi Ođđasiin².

Mii oaidnit ahte go RDM museaid duohta dilli "dahkko oaidnemeahttumin" de das leat negatiivva váikkusat ekonomalaččat, go RDM buohtastahttojuvvo earáiguin. Go eará museain sáhtta leat gaskal 5 ja 8 miljovvna doaimabušehttan, leat min ovttaskas museain gaskamearalaččat sullii 2,3 mill geavahit doaimaruhtan Sámedikkis (merkejuvvon ruđat Oastinlávdegoddái ja Áltá-Guovdageainnu eanu duodaštanprošektii leat váldojuvvon eret). Dát vihtta musea fertejit dattege ruhtadit RDM hálldahusa ja jodiheami guđat (6) ossodahkan organisašuvnnas.

¹ <https://www.aftenposten.no/meninger/kronikk/i/akM5/kronikk-om-museer-og-brannvern-politikerne-maa-beskytte-kulturarven-vaa>

²Váilevaš koronarudat: <https://www.nrk.no/sapmi/regjeringen-glemte-a-gi-korona-penger-til-samiske-museer-1.15196918>, Cealkámuš Museadieđáhussii: <https://www.regjeringen.no/contentassets/a1de241fdcf4357aaf01be5d0f07d5e/riddoduottarmuseat.pdf> lešmearrideapmi giksin: <https://museumsnytt.no/selvbestedmelse-til-besvaer/>

Sámedikki bušeahtta 2021 ovddas mielddisbuvttii ru. 12.629.000,- (+ 9%) RDM:i. Positiivvalaš vuolggasadji, muhto min meroštallan čájeha ahte lea dušše + 1,9 % duohtalassáneapmi.

1. Evttohuuvvon supmis mii lea ru. 12.692.000 leat ru. 1.060.000 merkejuvvon ulbmiliidda,
 - o Dáidda oastinlávdegoddi: ru. 560.000, -
 - o Duođaštanprošeakta Mázes: ru. 500 000,-
2. 11.632.000, -
 - o Nominealla lasáhus 2020:s 2021:i lea ru. 547.000, - (4,93 %)
 - o Báiká- ja haddegoargrun vástida sullii 348.960, - (3 %).
3. Bušeahttaevttohusa netto duohtalassáneapmi lea ru. 224.497, - dahje 1,93 %.

1,93 % lassáneapmi lea buorre – muhto: massán dienas 2020:s covid-19 ráddjemiid geažil ja lassánan doaibmagolut liigelanjaid ovddas dáiddačoakkáldahkii, eanet dáhkádusgolut, eanet doaibmagolut njoammunsuodjalusa hárrái ja nu ain dagahit ahte duohtalassáneapmi ii mielddisbuvtte lassáneami RDM olgguldasa doaimmaide nu mo sávašeimmet. 2021 njukčamánu oaččui RDM 260 000 ruvdnosaš kompensašuvnna.

RDM oažžu jođihandoarjaga min gielddain (Hámmárfeasta, Porsángu, Kárášjohka ja Guovdageaidnu). Dát doarjja lea hui dehálaš RDM doibmii daid iešguđetge báikkálaš museaide, go gielddalaš ruhtadeapmi manná njuolga báikkálaš museii. Jus doarjja unniduvvo dahje heaittihuvvo, leat báikkálaš museat mat vásihit duohta unnideami. Dasa lassin oažžu RDM unna jođihandoarjaga fylkkagielddas.

Jođihandoarjja mii bohtá fylkkas lea unni, iige vástit dan juogadančovdosii mii guhká lea ávžžuhuvvon leat 60/40 proseantta gaskal stáhta ja regiovnna. Lea maiddá hui hástaleaddji ahte mánja gielddas RDM doaibmaguovllus leat ROBEK-hálddašeami vuolde, ja dat dagaha ollu eahpesihkkarvuođa jođihandoarjaga dáfus jahkásaččat. Dát váikkuha maiddá RDM:i

doaimmaid ja vuoruhansurggiid guhkesáiggeplánemii, go RDM ii dieđe man ollu jođihandoarjaga ožžot dan jagi ovdal mánja vahkku manjago odđa doaibmajahki lea álggahuvvon.

<p>RDM bušeahtta 2021 ovddas: Doarjja Sámedikkis ru. 11.632.000 Doarjja Fylkkagielddas ru. 498 400,-¹ Doarjja gielddain ru. 898 000,-¹ Bušeterejuvvon vuovdindienas ru. 411 795,- Oktiibuot ru. 13 440 543,- (¹ 2020 juovlamánu logut; 2021 mearriduvvon bušeahtta)</p> <p>Bargiidgolut ru. 8 897 129,- Eará doaibmagolut ru. 4 543 414,- Dain leat fásta doaibmagolut sullii ru. 2 196 625,- (golud láigoheapmái, buhtisteapmi, elrávdnji, rehketoallu, IT,</p>	<p>Bušeahhta juogadeapmi proseantan: Bargiidgolud 66,2 % Fásta doaibmagolut 16,3 % Eará doaibmagolut 17,5 %</p> <p>Dat mearkkaša ahte viđa museas gaskamearálaččat lea ru. 469 356,- juohkehaččas 2021:s doaimmaide, čájáhusaide jna. Dát galgá maiddá gokčat hálddaha doaimmaid ja iežasmávssuid proševttain.</p>
---	--

Govvaruktá 1-2: čalmustahttit RDM ekonomija doaimmaide ja proševttaide ja lágidemiide museaid mielde. Dasa lassin ruhtadit museat hálddaha doaimmaid.

Norgga kulturráđi Museastatistihkka duodašta dan man RDM mánggaid jagiid jo lea cealkán. Vaikke vel orru ahte RDM:s lea posiitiiva ekonomalaš ovdáneapmi doarjagiid dáfus maid Sámediggi juolluda, de lea duohta vásáhus nu ahte jahkeberguid lohku unno. Dattege vásihat eanet gussiid.

Jahkelohku	Guossit	Dávvirat oktiibuot	Govat oktiibuot	Jahkebergu*
2016	9615	9619	22904	20
2017	8043	9726	24426	18
2018	9338	9755	24427	14
2019	13088	9890	24466	11

Tabella 2: Jahkebergut, maidđái geasseofelaččat, prošekt bargit. RDM 2019 rehketdoallu čájeha 11 jahkedoaimma.

Lassánan guosselohku sáhtta bohtit daid vuoruhemiin maid RDM lea dahkan daid manjimuš jagiid, go leat unnidan bargiidlogu vai sáhttit geavahit eanet ruđaid fágalaš doaimmaide ja lágidemiide.

Ekonomalaš dárbbut 2022

RDM museain leat iešguđetlágan hástalusat ja buohkat leat buktán erenoamáš dárbbuid doaimbajagiid hárrái. Earret eanet fágavirggiid ja friddja ruđaid doaimmaide ja lágidemiide leat čuovvovaš áššit celkojuvvon erenoamáš dárbbun;

Guovdageainnu gilišillju dárbbáša 150,000 buoridit čuovgga/elektronihka ja áibmomolsunrusttega. Vai sáhttet álggahit proseassa máhcahit Bååstede-dávviid, ferte gilišillju oastit klimamonteriid ru. 538,000,-. Fievrridangolut viežžat Bååstede-dávviid ru. 40 000,-. Viežžan dihte ruoktut muhttin dávviid mat gullet Guovdageidnu ja dál leat Oslos, de dat mielddisbuktá goluid ru. 728 000,-

Lea dárbu divodit betonjaseinniid Primingain Sámi Dávvir-Vuorkkás Kárášjogas 1. gearddis (ru. 208 400,-), Láhtteránu čájáhuslanjaide (ru. 431,500,-), Divvut Sturramagasiinna seainni ja láhtti (ru. 66,400,-) ja divvut láhtti ja seainni mánáidlanjas (ru. 110 500,-). Vai šaddá buoret bargobiras, rádju ja čájáhuslanjat šaddet buoret de lea dárbu investeret ru. 816 800,- ovdas

Daningo Kulturdepartemeanta lea juolludan liigejuolludeami Oastinlávdegodđái, de mearkkaša ahte ostojuvvo mealgat eanet dáidda go ovddalgihtii jáhkiimet, ja lea fáhkkaš dárbu viiddidit magariidnapasitehta ja bargonávccaid hálldašit ja gaskkustit čoakkáldaga. Go lea jurdda boahhteáigái ásahtit dáiddamusea de lea dárbbášlaš huksegoahit dáiddafágalaš birra RDM:i.

2020:s lea dáidaga dáhkádusárvu 30 miljovna ruvnu, ja dagaha ahte RDM:s lassánit dáhkádusgolut dađi mielde go čoakkáldat stuorru. Eanet gaskkusteapmi earret eará digitála čovdosiid bokte, dagaha ahte RDM:i lassánit BONO-golut.

Porsáŋgu museas lea dárbu čađahit proševtta mas čohkke magariinna ja čájáhusaid Levdnjii (ru. 50 000,-), Dasa lassin lea sihke Porsáŋgu museas ja Jáhkovuona mearrasámi museas dárbu friddja juolludemiide iežasmáksui iežaset proševttaide, muhto maidđái ovtasbargoproševttaide eará oasálaččaiguin mearrasámi ja kvena kultursuorggis.

Mii eat leat vel geargan Bååstede vuosttaš osiin. RDM lea váldán badjelassas eaggátvuoda 734 dávviid, mat ain leat Oslos. Lea dárbu sirdit registreremiid mat leat primusas/digitála museas mat dál lea Norgga Álbmotmusea dávvirvuorkkás RDM museaide. Dát dagaha liige goluid mat

leat rehkenaston ahte RDM bargit dárbbasit 1110 bargodiimmu heivehit RDM registrerenvuogádahkii, sámegillii ja kvenagillii dárogiela lassin.

RiddoDuottarMuseas lea nationála doaibma mearrádusásahussan doalvut ja viežžat sámi dáidaga ja eará sámi kulturávdnasiid Láhkaásahusa kulturdávviid doalvuma ja viežžama birra § 6 mielde. RDM meannuda áššiid ja dahká mearrádusaid ohcamiidda doalvut sámi dávviriid mat leat ráhkaduvvon ovdal 1970, ja dan ovddas ii mávsse Kulturdepartemeanta buhtadusa. Lea dárbbaslaš ahte RDM:i, min marginála resurssaiguin addot dat resurssaid mat leat dárbbaslaččat áimmahuššat bargogohččuma kulturdepartemeanttas.

Ekonomalaš rámmat 2022

RDM oaivvilda ahte lea áibbas dárbbaslaš lasihit fásta virggiid RDM:i 12,2 virggis 14 virgái jo 2021:s vai nagodat áimmahuššat hálddašemi ja gaskkusteami dohkálaš vuogi mielde. Otná dilis dat mearkaša ahte RDM dalle fertet dahkat válljemiid mat mearkašit ahte manná eanet ruhta bálkái ja unnánat doaimmaide ja rusttegiidda. Vai RDM ossodagain 2022 mielde galgá leat dohkálaš doaibma- ja lágidandási, mearkaša ahte RDM jođihandoarjja ferte lasihuvvot.

Vai RDM:s lea ekonomalaš lassáneapmi lea dárbbaslaš ahte bohtá 7,46% lassáneapmi Sámedikkis, unnimusat 9,89% Romssa- ja Finnmárkkku fylkkagielddas, ja 30% gielddain, nu mo tabealla dás vuolábealde čájeha.

Juolludeamit	Oassemearri 2020	Oassemearri 2021	Proseanta +/-	Juohkin 60/40 áigumuš	Oassemearri 2022	Lassáneapmi 2021-> 2022	Juohkin
Sámediggi (ekskl/merkejuvvon doarjja)	11.645.000	11.632.000 ³	-0,11%	89,28%	12.500.000	7,46%	82,41%
Finnmárkkku Fylkkagielda	498.400	498.400	0%	3,83%	1.500.000	201%	9,89%
Gielddat	954.148 ⁴	898.000 ⁵	-5,88%	6,89%	1.167.400	30%	7,7%
Oktiibuot	13.097.548,-	13.028.400,-		100%	15.167.400		100%

3) Mearrádusevttohus:

RDM ávžžuha sámedikki lasihit jođihandoarjaga merkema haga 7,46%, ru. 12 500 000,- 2022 ovddas.

RDM ávžžuha Romssa- ja Finnmárkkku fylkkagieldda lasihit jođihandoarjaga 201%, ru. 1 500 000,-

RDM ávžžuha gielddaid RDM hálddašanguovlluid lasihit jođihandoarjaga 30%, ru.

4) Mearrádus: Mearrádusárvalus mearriduvvui ovttajienalaččat.

³Merkejuvvon doarjja ii leat mielde

⁴Mas lea stohpoláigu Porsáŋggu gielda

⁵Mas ii leat stohpoláigu Porsáŋggu gielddas 2021 rájes

Ášši 7-2021 SVD/Dáiddamusea huksenášši

- 1) Áššebáhpirat
 - Statsbygga PP-ovdanbuktin

- 2) Áššečilgehus

Evttohus strategalaš mihtuide lea mielddusin, dát lea Sámedikki, RDM, SVD eaiggátvuodđudusa ja kulturráđi cealkámušaid vuodul ráhkaduvvon. Dát evttohus ovdanbuktojuvvui Kulturdepartementii (KUD) njukčamánu 16. beaivvi. Lei oktasaš čoahkkin masa KUD, SD, Statsbygg ja RDM serve. KUD máhcahagat leat positiivvat, mii fertet vel kvantifiseret dieđuid, buktit ákkaid ja čujuhit materiálii mii lea vuodđun.

Servvodatmihtut:

- Servvodatmihtun lea sámi dáidaga ja kulturárbbi hálldašemiin, ovdánahttimiin ja gaskustemiin nannet sámi identitehta
 - *Sámiid Vuorká-Dávvirat galgá áimmahuššat ja gaskkustit sámi kulturhistorjjá*
 - *Sámi dáiddamusea galgá áimmahuššat ja gaskkustit sámi dáidaga ja dáiddahistorjjá*

Kommeanta: Dán soaitá leat dárbu rievdadit, nu ahte boahdá čielgasit ovdan ahte eai leat guokte sierra musea, muhto ahte leaba ovttá ja seamma báikkis. Eai galgga navdojuvvot guoktin doaibman (goappašagat leaba RDM ossodagat).

Guosselohku: Mis leat leamašan unnimusat 20 000 guossi, muhto jus buohtastahtá Siida museain de lea potensála mihá stuorát. Sis ledje viđa jagis gaskkal 57 000 ja 63 000 guossi.

Vai sáhttit loguid mearridit, de ferte iskat dáid Kárašjoga mátkebáikeovdánahttiniskademiid ektui, vai oaidná makkár logut dain leat vuodđun.

Eambbo ovttasbargu, eambbo odđáigásaš gaskkustanteknologiijat: Kvantifiseret loguid, ja rievdadit čállosa jus dárbu. Eambbo dutkanprošeavttaid, duppalastit čađahuvvon fágalaš prošeavttaid loguid: Kvantifiseret, rievdadit čállosa jus dárbu. Rievdadit čállosa das mii galgá dáhpáhuvvat dasa mii lea dáhpáhuvvan, omd. dáidagiid čájeheami ovttasbarggut: 2020:s leat dáiddačoakkáldagas luikojuvvon 309 dáidaga (buohtastahte jahkedieđáhusain). Go mis leat heivehuvvon magasiinnat, dilleárvoštallamat ja páhkkenvejolašvuodát, de luoikkahuvvojit XXX dáidaga juohke doaibmajagi. Statsbygg doaivu alddiineaset leat čielggadeami válmmasin cuonjánus. Sámedikki dievasčoahkkin oážžu huksenášši geassemánu čoahkkinii.

Lea go RDM ovttaoavivilis strategalaš mihtuiguin – servvodatmihtuiguin, bohtosiid mihtuiguin ja vejolaš indikáhtoriiguin?

- 3) Mearrádusárvalus:

RDM stivra doarju prošeavtta servvodatmihtuid ja bohtosiid mihtuid, mat leat 2021 njukčamánu.

- 4) Mearrádus: Mearrádusárvalus mearriduvvui ovttajienalaččat

1) Áššebáhpirat:

- 2021-2022 doaimmaplána (galgá ođastuvvot ovdal 01.04.21)
- Sámedikki 2021 juolludanreive oktan raporterenskoviin
- Museaid ehtalaš njuolggadusat
<https://www.kulturradet.no/documents/10157/2bcf94db-d79d-4b5f-834b-384ea304580f>

2) Áššečilgehus:

RDM 2021-22 doaimmaplána čuožžu makkár áššit dán áigodagas leat guovddážiis juohke ossodagas. Doaimmat leat museas organiserejuvvon njealji oassái: hálddašeapmi, ođasteapmi, gaskkusteapmi ja dutkan, mat lea ossodagaid mihtut.

RDM museat čuvvot museaid vuollerádjedási – ICOMS museaid ehtalaš njuolggadusaid (gč. lijkka):

1. Museat sealluhit, dulkojit ja ovddidit olmmošsoga luonddu- ja kulturárbbi
 2. Musea hálddaša čoakkáldagaid servvodaga ovddas ja buorrin servvodatovdánahttimii
 3. Musea áimmahuššá primáragálduid máhtu oččodeapmái ja čiekŋudeapmái
 4. Musea addá vejolašvuođa illudit ja atnit árvvus, ipmirdit ja vurket luonddu ja kulturárbbi
 5. Museain leat resursat mat addet vejolašvuođa eará servvodatlaš bálvalusaide ja buriiide
 6. Museain lea lagas ovttasbargu daiguin servvodagaiguin gos čoakkáldagat bohtet ja daid servvodagaiguin maid sii bálvalit.
 7. Museat barget lága rámmaid siskkobealde
 8. Musea bargá fágalaš ja profeššunealla prinsihpaid mielde
- Sámi museat háliidit deavdit musea servvodatrolla sámi geahččanguovllus. Dan dihte háliida RDM bargat gávcciin namuhuvvon čuoggáin iežamet kultuvrralaš ja árbevirolaš duogážiin. RDM ossodagat čalmmustahttet doaimmaplána bokte daid doaimmat mat lea jođus.

3) Mearrádusárvalus:

RDM musea doaimmaplána dohkkehuvvo čuovvovaš váldovuoruhemiiguin guhtege RDM ossodagas (Sámedikki skovvi):

Hálldahus

1. Čuovvulit Statsbygga konseptačielggadeami
2. Arkiiva digitaliseret
3. Gárvet RDM márkan- ja mediastrategiija barggu

Sámiid vuorká-Dávvirat/De Samiske Samlinger:

1. Čoakkáldaga digitaliseren, mii veahkeha mátkeealáhusovdánahttima
2. Meavrresgári máhcaheapmi: Anders Poulsena meavrresgári ja čájáhus
3. Huksenášši: SVD ja Dáiddamagasiinna oktasašlokaliseren

Porsáŋgu musea/Porsanger museum/Porsangin museumi

1. Primusregistreren ja čoakkáldathálddašeapmi
2. Gaskkusteapmi

3. Dieđuid čohkken

Jáhkovuona mearrasámi musea/Kokelv sjøsamiske museum

1. Čoakkáldathálddašeapmi ja primusbargu, buot musea visttiin čadahit dilleárvoštallama
2. Joatkit Jáhkovuona ođđa museavistti plánaiguin ja prošekteremiin
3. Buoridit Stuoranávsttu bielkkáid jna. nu ahte šaddá čavddis ja divttis, ja málet návsttu

Guovdageaidnu gilišillju / Kautokeino bygdetun

1. Dokumenteret Alta-Guovdageainnu eanu ášši
2. Áittiid ođastit/divodit
3. Ovttasbargat beassášdoaluid lágideamis ja čájáhusain miehta jagi

Dáiddamágasiidna/Kunstmagasinet

1. Primusregistreren ja olámuddui buktit dieđuid Digitalt Museumis
2. Dáidagiid govvet vai leat kvalitehtagovat dain ja bálkáhit govvejeaddji jus lea dárbu
3. Čorget ja sirdit dáidagiid ja kássaid mat leat garášain
4. Sáddet ohcamuša Sámediggái mas jearrat BONO-goluid sirdit dáiddaossodagas Sámediggái

- 4) Mearrádus: Mearrádusárvalus mearriduvvui ovttajienalaččat

Ášši 9-2021 Jahkásaš bálkášiehtadallan gaskal stivrra ja direktvrra

1) Áššebáhpirat

Bálkagáibádus mii bođii 12.01.2021

Fálaldat stivrajođiheaddjis ja nuppijođiheaddjis 27.01.2021

Direktvrra dohkkeheapmi 27.01.2021

Bálkášiehtadallanbeavdegirji 27.01.2021

Rievdaduvvon bargošiehtadus 2021 guovvamánu

2) Áššečilgehus

Áššis 15/18 addui stivrra jođiheaddjái ja nuppijođiheaddjái fápmudus šiehtadallat bálkká direktvrrain. Bálkášiehtadallamat dahkkoje vuohččan 2019 ođđajagimánu. 2019 bálkamearrideapmi lei direktvrra vuosttaš bálkálásáhus dan rájes go son virgáibiddjui 2015:s. Oasálaččat ledje 2019:s ovttaoavilis ahte bálkáságastallamat berrejit dollojuvvot jahkásaččat. 2021 bálkášiehtadallan čadahuvvui ođđajagimánu 27. beaivvi. Čujuhuvvo bálkášiehtadallanbeavdegirjái, ja ođđa bargošiehtadussii. Ođđa bálká gusto 01.01.2021 rájes, gč. stivraášši 9/2020.

3) Mearrádusárvalus

Stivrajođiheaddji evttoha mearrádusárvalusa: Šiehtadallanbeavdegirji ja 2021 guovvamánu ođđa bargošiehtadus dohkkehuvvo.

4) Mearrádus:

Mearrádusárvalus mearriduvvui ovttajienalaččat.

1) Áššebáhpirat:

-Strategiijadokumeanta: <http://rdm.no/wp-content/uploads/2020/01/Strategiplan-2017-2022.pdf>

2) Áššečilgehus

Stivra mearridii RDM vuodđobargoveaga 2018 njukčamánu, dan vuodu mielde mii RDM:s lei dalle. Vuodđobargoveahka gáibádus lei dalle 12,2 virggehasa. Maŋná dan leat RDM ossodagain hui ollu lassánan doaimmat. Seammás leat maid bargagoahtán dáiddamusea ođđa visttii oččodemiin ja SVD ođasmahttimiin.

Dálá dilli RDM ossodagain lea ná:

Guovdageainnu Gilišilju/ Kautokeino Bygdetun (GG)

Dá lea nubbin stuorámus musea, gos lea RDM museaid nubbin stuorámus čoakkáldat. GG lea maid dat musea mii oažžu eanemus dávviriid máhcahuvvot Bååstede-prošeavttas. GG:s lea buorre kompaktamagasiidna, mas ii leat vejolašvuohta stivret áimmu. GG:s leat guokte čájáhusbáikki – okta gos lea fásta čájáhus ja boares internáhtta ges gaskaboddosaš čájáhusaide. Guovdageainnu Gilišiljus (GG) leat dál guokte fástavirggi/2 jahkedoaimma. Báikkálaš museajođiheaddjevirggis lea ovddasvástádus sihke fágalaš ja hálldahuslaš doaimmain. Nubbi virgi lea konsuleantavirgi, man bargun lea bargat čoakkáldathálddašemiin ja gaskkustemiin báikkálaččat, dasa lassin lea virggis okta RDM oktasašdoaimma primuskoordináhtorin. GG virgelohku lea lassánan ovttain jahkedoaimmain 2006 ovttasteami rájes, álgo álggus lei dušše 1 virgi GG:s. GG heiveha nu ahte dárbbu mielde sáhttet NAV:s boahit bargohárjehallamii dohko. Guhkit áiggi vuollái lea dárbu lasihit jahkedoaimmaid golbmán jahkedoaimman.

Sámi Dáiddamagasiidna/ Samisk kunstmagasín (SD)

Dálá virggit leat fásta virgi museajođiheaddjin mas leat fága- ja hálldahuslašdoaimmat, 20 % virgi bassin ja 40 % virgi primusregistrerejeddjin mii ruhtaduvvo prošeaktaruđaiguin. Dáiddamagasiinnas leat fága- ja hálldahusbarggut, muhto dan lassin leat váldobargun maid čoakkáldathálddašeapmi ja gaskkusteapmi. Sámi dáidda lea maŋemus jagiid leamašan hui bivnnut ja luoikkahanjearaldagat leat lassánan. Bargonoađđi dan ovtta dáiddamagasiinna virggis lea hui stuoris, ja áiggi mielde lassána vel ain eambbo. Kulturdepartemeanta (KUD) lea juolludan 2 miljonna ruvnno sisaoastinlávdegoddái, nu ahte boahttevaš jagi stuorru maid čoakkáldat. Juohke dáidda ferte registrerejuvvot, dilleárvoštallan dahkkot, gaskkustuvvot jna. Dá leat áddjás barggut ja proseassat. Statsbygg lea ožžon KUD:s lobi ain bargat viidáseappot boahttevaš sámi dáiddamusea konseapta guorahallan bargguin, dá leat proseassat maid Dáiddamagasiinna bargit maid fertejit dárkilit čuovvut. Lea áibbas dárbbalaš dalán lasihit jahkedoaimmaid Dáiddamagasiidnii nu ahte doppe livčče 2,2 jahkedoaimma.

Sámiid Vuorká-Dávvirat/ De samiske samlinger (SVD)

Dá lea boarráseamos ja stuorimus musea gos lea stuorimus čoakkáldat. Čoakkáldat čájeha musea historjjá. Čoakkáldat ovddasta olles Sámi. Musea vásiha ahte leat oallugat geat fitnet museas seammás go leat galledeame eará stuora sámi ásašaid dego Sámedikki ja NRK Sámi. SVD:s leat dál 3 jahkedoaimma; 100 % báikkálašmuseajođiheaddji geas fága- ja hálddahušlašovddasvástádusm 100 % guoros virgi čoakkáldathálddašeaddjin, 60 % virgi bassin ja 40 % virgi musea vuostáiváldimis. Eará bargit leat oanehisáigái virgáduvvon prošeaktaruđaiguin ja NAV ortnegiiguin.

Dain dávviriiin mat máhcahuvvojit Bååstede-prošeavttas de oažžu SVD nubbin eanemus, dušše GG oažžu eambo. Jahkedoaimmat leat unnon ovtteami manjá, 8 virggis 2,2 virgái, ja lasihuvvon 2018:s 3 jahkedoimmi. Lea dárbu oččodit 100 % virggi vuostáiváldimii, gii maid bargá gaskustemiin ja láidestemiin. Covid-19 dilli lea lasihan bassandárbbu. Lea dárbu lasihit 0,8 jahkedoaimma SVD vuodđobargovehkii.

Porsáŋgu musea/Porsanger museum/Porsangin museumi (PM)

Porsáŋgu museas leat dál guokte báikki Leavnnja guovllus. PM:s lea dušše okta fásta virggehas 100% virggis, báikkálašmuseajođiheaddji geas fága- ja hálddahušdoaimmat. Dasa lassin lea okta oasseáiggevirgi čoakkáldathálddašeaddjin ja gaskusteaddjin. Porsáŋgu museas leat dušše 1,5 jahkedoaimma. Porsáŋgu museas leat leamašan hui ollu doaimmat ja sis leat buorit bohtosat. Vai sáhhtá ain ovdánit ja fágabiras nannejuvvošii, Porsáŋgu musea han lea dán oktavuođas maid oktasaš fágabiras geas lea erenoamáš ovddasvástádus mearrasámi kultuvrii, ovttas Jáhkovuona mearrasámi museain – ja PM:s lea maid kvena giela ja kultuvrra ovddasvástádus. Lea dárbu dalán lasihit nu ahte Porsáŋgu museas livčče 2 jahkedoaimma.

Jáhkovuona mearrasámi musea – Kokelv sjøsamiske museum (KSM)

Dál lea musea rabas dušše jahkebeali bievlan, dan dihte go lea ieš dat čájáhus mii lea musea (Nilládállu). Ii gávdno sierra museavisti čájáhusaide eaige kánturvistit Jáhkovuonas, danne láigohit kánturvistti báikkálaš biebmogávppis. JMM:s lea 100% virgi, dát virgi lea báikkálašmuseajođiheaddji virgi mas leat fága- ja hálddahušbarggut, lassin čoakkáldathálddašeapmái ja gaskusteapmái. Virgelohku lea seamma go lei 2006 ovtteamis. JMM oažžu máhcahuvvot muhtin dávviriiid Bååstede-prošeavttas ja sáhhtet dáid bidjat čájáhuskáhpide main lea áibmostivren. JMM hálddašanguovlu lea viidánan manjá go Fálesnuori- ja Hámmárfeastta suohkan leat ovttastahtton, dát mielddisbuktá eambo doaimmaid, ja mearrasámi giela ja kultuvrra ovddasvástádus viidát guovllus. JMM bargá ain vistehuksenplánaiguin, ođđa visti Jáhkovuonii, fárrolaga Hámmárfeastta suohkaniin ja eaggátvuodđudusain.

Hálddahus (RDM)

Hálddahusas leat golbma virggi/3 jahkedoaimma. Dát leat direktvra (100%), kantuvrahoavda ja arkiivabargi (100%) ja viessohoaiddár/vistesuodjaleaddji (100%). Dát virggit doibmet buot RDM báikkálašmuseaide ávkin ja leat SVD:s Kárášjogas. 2018:s mearridii stivra ahte hálddahuslaš vuodđobargoveahka galggai leat 3,5 jahkedoaimma. Hálddahus ii dárbbáš eambo go 3 jahkedoaimma dan dihte go mii oastit ekonomiija/rehketdoalu bálvalusaid ja dihtorbálvalusaid.

3) **Mearrádusárvalus:**

RDM vuodđobargoveahka lasihuvvo 12,2 fásta virggis/jahkedoaimmas 14 fásta virgái/jahkedoibmii.

4) **Mearrádus:** Mearrádusárvalus mearriduvvon ovttajienalaččat.

4. Digaštallanáššit

Eai leat áššit

5. Čoahkkáigeassu

Ášši 11-2021

Muđui

Eai leat áššit

Referáhtta duodaštuvvo leat riehta:

Olaug Larsson
Stivralahttu

Marianne Balto
Stivralahttu